

ادبیات عمومی و سیاسی

هفته‌لق سیاسی ، ادبی و علمی غزته‌در .

جلد : ۲

سنه : ۱ ۵ شعبان ۱۳۳۵ جمعه ایرتسی ۲۶ مایس ۱۹۱۷ نومرو ۳۰

حسك بين المللى تأثيراتى

دوقتور فكرته

ادبیات ایله سیاسیاتك مشتركاً احتوا ابتدکاری ایکی مسلك وار : افكارك تاریخ انكشافی ، هان هر شعبه‌سنده عینی صفحاتی تعقیب ایده‌رك ، وبوصورتله سویه عمومیه‌دن عینی انطباعاتی آلارق تظاهر ابتدیکندن ، علومك اك متخالف شعباتنده بیله مشترك نقطه‌لر ومشابهت‌لر بولونابیلیر . بوسیله ادبیاتك لیریزم ایله ره آیزمی اولدینی کی ، سیاستك ده عینی اشکال تظاهری واردر .

اسکیدن ، سیاست خارجه‌لك خیال‌ایله حسدق مرکب ایکی نقطه استنادی واردی ، وبونلرک ایکنجیسی ، بر شکل‌دینیده تظاهر ابتدیکندن ، هر حالده برنجیسندن دها قوتلی ودها عمومیدی . قرون وسطانك هان بوتون محارباتنده تأثیراتی اك بویوك سائق شکلنده کوسترن بواکی اساسی ، غایه‌لری و طرز‌تجلیلریله یکدیگرندن تفریق ایده‌بیلیرز : عمومیتله خیال - عظمت تصوراتی ، حس - تعصب شکلنده تظاهر ایده‌رك بری جهانگیرك ، دیگریده اها سیاستلرینه منجر اولور .

سیاست حسیه ، اکثریا بی‌حدود املردن ونهایتیز برحاکیت غایه‌سندن زیاده ، معین وحقی بعضاً محدود عقیده‌لرک هدف‌سیطنه دوغرو کیدر ، وبعضاده بویوك برخیله‌دن کچهرک جهانگیرك دوغرو توسع ایدر .

اسباب ماده‌دن ظهوری نادر اولقله برابر ، هر حالده بعضاً برطاقم احتیاجاتك افاده‌سنده بکزه‌دیگندن ، اشکالی پک جوق و پک مختلفدر . اسکی زمان سیاسیلری ، هر شیئدن زیاده تأثیرات دینیہ آلتنده حرکت‌ایدیور ، ومنفعتلری حسیاتك ضمننده ، عادتا بالواسطه تأمین‌ایندلش اولیوردی ، قرون وسطا محاربه‌لرینک باشلیجه سائقلری حسیات دینیہ ایدی : بواعبار ایله اوزمان حرب اولماز ، « غزا » اولوردی ؛ اکر کلیسایه استناد ایدوب بر مجتهد کی ایمانی یولنده و حس اوغورنده قوشماسه ایدی ، شارلمانیک ساده قان‌دوکسیله ، موقت بیله اولسه ینه بویوك بر آوروپا ایمپراطورلنی تشکل ایده‌مزدی ، واکر ایده‌بیله‌جک اولسه ایدی ، پروتستانلغک ظهوریله وحدت حسیات انحلال



بر هفته لقی تاریخ حرب



[۱۷ - ۲۳ مایس ۱۹۱۷]

غرب جبهه سی تعرضلرینک، آرتق ایکنجی و اوچنجی درجه ده کی سپر محاربه لری و علی العاده هجوملر منزله سنه ایندیکنی وانکلیر-فرانسزلرک مدھش قوتلر صرفندن صوکره بویله بیتاب دوشمه لری طبیعی اولدیغنی کچن هفته کی اجمالزده قید ایتشدک . فی الحقیقه فرانسز حربیه ناظری (پهن لووه) ، روس اردوسنک عاقل قالماسندن دولای غرب جبهه سننده کی انکلیر-فرانسز تعرضنک هدف ومقصده واصل اولامادیغنی آچیقجه بیان ایتدی . بو، اعتراف هزیمت دیمکدر . هر نه قیدرانکلیرلره فرانسزلرک (ایپر) ایله وردون آراسنده بریز تعرضلری دوام ایدیورسه ده بونلر مقصدی ذره قدر بيله تأمین ایده منج . بالعکس آلمانلر اوتده بریده فرصتجو یانه هجوملره موضعلرینی اصلاح ایدیورلر . آرتق دشمنلرمنک ۱۹۱۷ بهارینه و یازینه حاد امیدلری ده هبا اولمشدر . آلمانلرک فرانسه و بلجیقادن طردی ممکن اولامایه جفی ، بوکون بر حقیقت ریاضیه درجه سننده قطعیدر .

فرانسه ده ، فضله هسکر ضایعاتی هرچه باد آ باد کوزه آلدیرمش اولانی جنرال نیوه لک باش قوماندانلقدن عزلیله برینه جنرال پته نکه کچیرله سی ، ارکان حربیه ریاستنده جنرال فوشک کتیرله سی ، اولیه دلیجه ضایعاتیله یکیدن شامپانیا تعرضلری تکرار لانه مایه جفی اثبات ایده ر . فرانسز باش قوماندانلی ، آمریقادی تلفرافله عسکر ایسته یه جک درجه ده ، قوتلرینی غیر کافی کورمکده در . شیمدی فرانسز محافل عسکریه و سیاسیه سننده (نیوه ل) واری هجوملر برینه ، سابق باش قوماندانی (ژوفر) واری بوتون جبهه ده « شدید ودائی تضییق » اصولنک اقامه سی وبوصورتده دشمنک بیپراتیلمه سی طلب ایدیور . هر عقله کلندن مدد اومان دشمنلریز ، خطوه بخطوه چاره سز قالارق امیدلرندن غائب ایتدکجه صلح قازانمقده و باقلاشمقده در .

کچن نسخه مزده کی تخمینز وجهله ، (ایزونز) جبهه سننده شدید طویچی استحضاراتندن صوکره ایتالیان تعرضی باتلاق ویردی .

ائتلاف دولتلری اول فرانسز جبهه سننده ، صوکره ماکدونیا ده و نهایت ایتالیان جبهه سننده تعرضلریله ، توحید حرکات دستورینه ، کندیلرنجه ممکن اولدینی قدر رهایت ایتک املنی اظهار ایتدیله . لکن روس اوردوسنک کوندن کونه ده ها مفلوج ، ده ها رابطه سز بر حاله کیرمه سی اونلرک بهار پلانلرینی آلت اوست ایتدی . قوجه هینده نبورغک دیدیکی کبی ، روس اختلالنک اتفاق صریحه بخش ایتدیکی فائده بی کیمسه انکار ایده من . ایسته یالکز بوسبب ، ائتلافک بوتون آمال ظفرینی سوندورمه کافیدر . حالبوکه آلمانلرک فرانسز - انکلیر خارق العاده تعرضنه پله زیاده موفقیتله ، حتی مظفرانه برمدافعه ایله مقابله ایتدکلری معلومدر . انکلیر-فرانسز اوردوسنه نسبتله جوق قوتسز اولان ایتالیانلرده ایزونزو بوینده بوسفرینه برایش کوره مه دیلر .

ائتلافک متادیا ایتالیان طلب ایتدکه اولدینی تعرض حرکاتی ۱۴ مایسده (ایزونزو) جبهه سننده باشلادی . دشمن پیاده سی ، (تولاین) دن تا دکره قدر بوتون جبهه ده هر درلو وسائط ایله اوچ کونی دوام ایدن طویچی احضار آتشدن صوکره هجومه ایتدار ایتدی . ایتالیانلر

جبهه نك ۴۰ كيلومترودن فضله امتداد ايدن قسمنده متعدد نقطه لردن هجوم ايتملردى . (پلاوا) منطقه سنده ، (مونته سانتو) اوزرنده ، (غوريچ) ك شرقنده كى تپه لرده (فايى هيريب) منطقه سنده و (قوستانيه ويقا) قربنده محاربه غايت شدتلى اولمشدر . صحنه حربك بر چوق محالرنده دشمنك كثيف هجوم كتله لرى آوستريا طوب و مترايلوزلرينك آتشي آلتنده اعما ايدملشدر . فرضا (مونته سان فابريه) ده دشمن تفنك و چانطه لرينى ، اوزرنده كى اشياي آتهرق بوزغوف و پريشان بر حالده رجعت ايله مشدر . ايتاليانلر ، ايلريله مكه موفق اولمقلرى نقاطك كافه سنده ، آوسترياليلرك مقابل تعرضلرينه دوچار اولملر و كوكس كوكسه محاربه لر نتيجه سنده طرد ايدملشدر .

ايتاليانلرك ايزونزو نهرينك صول ساحلى ضبط ايتك امللرى حاصل اولمادى . (پلاوا) منطقه سنده كى كوپرى باشى موضعلرينى ده توسيع و اصلاح ايدمه ديلر . الحاصل اونجى (ايزونزو) محاربه سى ايتاليانلرك - بر معتاد - بر چوق ضايعاتيله و قوس قوجه بر خسرانيه بر هفته ايجنده سوندى . ايتاليانلرده دورمايه جقلر ، چيرپينا جقلردر . فقط بوقدر .

نيته كيم ، كچن نسخه ضرده تخمين ايتديكمز وجهله ، غرب جبهه سنده كى قدر سهولتله قطعاتك بوشلقلرينى و مهمات ضايعاتى دولدورامايان جنرال سارايك ما كدونياهه كى تعرضى دوردى ؛ كوچوك محاربه لره تنزل ايتدى .

§ عثمانلى جبهه سنده مصادمات و كشف حركتلرى اكسيك دكلسه ده بوتون بونلر حركات استحضاريه و تاليه دن عبارتدر . مهم و اساسلى بر حركت اولامشدر .

* * *

آلمان باش وكيلى به تمان هولوه غك ، آلمانيانك صلح شرطلرى حقنده رايخستافده واقع اولان استيضاحلره جواباً ايراد ايتديكى پك مفصل نطقده بر لسان متينانه ايله سويله ديكى كى « بوكونكى وضعيت عسكريه ضا حاضره امفالى كورولمه مش درجه ده ايني بولنيور . غرب جبهه حربنده دشمن ، بى حد و پايان ضايعات و يرمه سنه رغماً خطمزي ياره مايور . تحت البحر لريمز بر موفقيت مترايده ايله چاليشيورلر . تحت البحر لريمزك ابراز ايله ديكى خدماتك اهميت عظيمه سنى بيان وافاده ايجون نه قدر قوتلى كله قوللانيله آزدور . تحت البحر لرك مأثره مت وغيرتى بونك عظمتى بليغ بر صورتده افاده يه كافيدر . » § روسيه ده ايلك حكومت موقته ده وريلدى . يرينه ينه پرنس (لووف) ك رياستى آلتنده سوسناليسترك و عمله - عسكر مجلسنك بش آلتى اعضا طرفندن تمثيل ايدلديكى برده موقرات قابينه تشكل ايتدى . فتوحانجو (ميلو قوف) و (غوجقوف) ك داخل اولاماديني بو قابينه نك اسمى ده حكومت موقته در . اختلاجى وسوسناليست « كره نسكى » حربه ناظر لغنى در عهده ايتدى . يكي قابينه صلح منفردى رد ايله ديكنه ، روسيه نك متفقلرينه صادق قالمه سى لزومنه دائر بر بياننامه نفر ايتدى و رسماً « هيچ بر ملتك حقوق و اراضيسنى غضب ايتكسزى ، بلا تضيمنات و بلا الحاقى ملك » بر صلحه طرفدار اولديغنى « بيان ايله دى . روس اوردوسنى ده متفقليله بر لكده وظيفه وطن پرورانه سنى ايفايه دعوت ايديور . لكن بى فائده ! روس اوردوسنده نه ضابط ، نه آمر ، نه انضباط قلامشدر . بوحكومت ده روسيه نك يكانه علاجى اولان صلح واستراحت يان باقارسه عاجلاً يوارلاغفه محكومدر . روسيه ده خسته لق و دواى صلحه احتياج اوقدر بويوكدر .